

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 08/1 _____ 17
Bihać, 04. 12. 2017. godine

GRADSKO VIJEĆE BIHAĆ
-ovdje-

PREDMET: Prijedlog Odluke o sufinansiranju dijela troškova komunalnih usluga vodosnabdjevanja i odvodnje i prečišćavanja otpadnih voda.

Obrazloženje

I PRAVNI OSNOV

Pravni osnov za donošenje predložene odluke sadržan je u:

- u članu 37. Zakona o socijalnoj zaštiti, zaštiti civilnih žrtava rata i zaštiti porodica sa djecom („Službeni glasnik USK“, broj 5/00 i 7/00), s kojim je regulisano da propisima općina se može proširiti krug korisnika i prava iz socijalne zaštite.
- u članu 35. tačka c) Statuta Grada Bihaća („Službeni glasnik Grada Bihaća“ broj 13/15) koji propisuje da Gradsko vijeće u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

II RAZLOZI ZA DONOŠENJE

Grad Bihać je potpisivanjem Pisma namjere 31.1.2017 godine započeo implementaciju Projekta MEG- Projekt općinskog ekonomskog i okolišnog upravljanja, kojeg finansira Vlada Švicarske, a implementira ga Razvojni program Ujedinjenih nacija (UNDP). Projekt obuhvata tri komponente: efikasni sistem upravljanja lokalnim ekonomskim razvojem, unaprijeđenje kvaliteta usluga prema građanima i privrednom sektoru, te unaprijeđe regulatornog okvira na lokalnom nivou u svrhu unaprijeđenja javnih usluga.

Uz konsultantsku pomoć u okviru projekta MEG pripremljen je Prijedlog Ugovora o pružanju javnih vodnih usluga sa popratnim priložima koji je unificiran i jedinstven za sve općine koje su obuhvaćene projektom, a radi se o sljedećim jedinicama lokalne samouprave: Tešanj, Teslić, Žepče, Bosanska Krupa, Gračanica, Gradiška, Prijedor, Cazin, Velika Kladuša, Bihać, Doboј, Kiseljak, Tuzla, Gradačac, Prnjavor, Kozarska Dubica, Kostajnica i Sanski Most.

Ugovor o pružanju javnih vodnih usluga na području Grada Bihaća Gradonačelnik Grada Bihaća je potpisao sa J. P. "Vodovod" Bihać dana 10.7.2017 godine, broj: 01-25-5133/17

Potpisivanjem Ugovora usvojeni su između ostalog slijedeći dokumenti

- Prijedlog Metodologije za određivanje cijene vodosnabdijevanja i odvodnje otpadnih voda koji je sastavni dio Ugovora o pružanju javnih vodnih usluga na području Grada Bihaća i
- Prijedlog Programa subvencioniranja dijela troškova komunalnih usluga vodosnabdijevanja i odvodnje i prečišćavanja otpadnih voda za socijalno ugrožene kategorije stanovništva koji je sastavni dio Ugovora o pružanju javnih vodnih usluga na području Grada Bihaća.

1. Metodologijom za određivanje cijene vodosnabdijevanja i odvodnje otpadnih voda u tački 3 " Osnovni principi i mjere za njihovo postizanje" definisan je princip priuštivosti u kojem se navodi slijedeće:

„Za korisnike koji ne mogu da plate vlastiti račun za vodne usluge, JLS treba da osiguraju sredstva za subvencioniranje vodnih usluga ovih kategorija korisnika. Način subvencioniranja vodnih usluga treba da izabere JLS, te da se količina vode čije bi plaćanje bilo subvencionirano po osobi ograniči na najviše 3m³ vode mjesečno.

2. Ugovorom o pružanju javnih vodnih usluga na području Grada Bihaća broj 01-25-5133/17 od 10. 7. 2017. godine u Članu 18. između ostalog definisano je:

„Na godišnjem nivou u Budžetu Grada obezbjeđuju se finansijska sredstva za subvencioniranje troškova javnih vodnih usluga određenim kategorijama socijalno ugroženih lica – korisnika javnih vodnih usluga,

Posebnom gradskom odlukom uređuje subvencioniranje troškova javnih vodnih usluga socijalno ugroženim kategorijama korisnika javnih vodnih usluga.

3. Programom subvencioniranja dijela troškova komunalnih usluga vodosnabdijevanja, odvodnje i prečišćavanja otpadnih voda za socijalno ugrožene kategorije stanovništva navodi se sljedeće:

„Sredstva za subvencioniranje osigurava Grad kroz godišnji budžet.

Predloženom Odlukom se definiraju uslovi uslove pod kojim će se provesti postupak subvencioniranja, a obavezno će sadržavati:

- Pravo na subvencioniranje (ko i pod kojim uvjetima ostvaruje pravo na subvencioniranje);
- količina utrošene vode koja se subvencionira (u m³);

III FINANSIJSKA SREDSTVA

Za realizaciju ove Odluke u Budžetu grada Bihaća za 2018. godinu planirana su sredstva u iznosu od 80.000,00 KM.

Prilog: Prijedlog Odluke

Gradonačelnik
Šuhret Fazlić

Na osnovu člana 37. Zakona o socijalnoj zaštiti, zaštiti civilnih žrtava rata i zaštiti porodica sa djecom („Službeni glasnik USK“, br. 5/00, 7/01), člana 35. stav (1) tačka (c) Statuta Grada Bihać („Službeni glasnik Grada Bihaća broj: 13/15), Gradsko vijeće Bihać, na _____sjednici održanoj dana _____2017. godine, donijelo je

ODLUKU

o subvencioniranju dijela troškova komunalnih usluga vodosnabdjevanja i odvodnje i prečišćavanja otpadnih voda

DIO PRVI – OPĆE ODREDBE

Član 1.

(Predmet odluke)

Odlukom se propisuju: kategorije korisnika, uslovi, kriteriji i način utvrđivanja prava na subvencioniranje dijela troškova komunalnih usluga vodosnabdjevanja, odvodnje i prečišćavanja otpadnih voda, (u daljem tekstu: „subvencioniranje“), troškovi koji se subvencioniraju, organi odlučivanja, prestanak prava, potrebna sredstva kao i način finansiranja subvencioniranja.

Član 2.

(Značenje pojedinih pojmova)

Pojedini pojmovi navedeni u odluci imaju slijedeće značenje:

a) Socijalno ugrožene osobe s nedovoljnim prihodima za život – osobe koje ostvaruju pravo prema Zakonu o socijalnoj zaštiti, zaštiti civilnih žrtava rata i zaštiti porodice s djecom Unsko-sanskog kantona.

b) Subvencioniranje cijene komunalne usluge – podrazumjeva plaćanje dijela troškova usluga vodosnabdjevanja, odvodnje i prečišćavanja otpadnih voda koje pruža JP „Vodovod“ d.o.o. Bihać, za korisnike tih usluga za koje se na osnovu kriterija iz ove Odluke utvrdi da spadaju u kategoriju lica u stanju socijalne potrebe.

DIO DRUGI – USLOVI, KRITERIJI I NAČIN UTVRĐIVANJA PRAVA

Član 3.

(Ostvarivanje prava na subvencioniranje)

(1) Subvencioniranu cijenu ostvaruje pojedinac ili porodica (u daljem tekstu: korisnik komunalne usluge) i to: fizička lica koja su vlasnici ili zakupci stambenog prostora, a koja ispunjavanju kriterije iz ove Odluke.

(2) Subcenciju može ostvariti zakupac samo pod uslovom da je zaključio Ugovor o zakupu u kojem je utvrđeno da je obavezan plaćati troškove komunalnih usluga.

(3) Pravo na subvenciju ostvaruje korisnik komunalne usluge koji ima prebivalište na području Grada Bihać i korisnik je:

- a) stalne novčane pomoći,
- b) naknade za pomoć i njegu drugih osoba ostvarene po kantonalnom propisu,
- c) naknade za osposobljavanje za život i rad,
- d) lica koja su koristila jednokratnu novčanu pomoć putem Centra za socijalni rad Bihać.

Član 4.

(Količina vode koja se subvencionira)

(1) Maksimalna mjesečna količina isporučene pitke vode i količina otpadnih voda po članu domaćinstva korisnika komunalne usluge ne može preći 3m³

(2) Razliku u iznosu mjesečnog računa za količinu isporučene pitke vode i količinu otpadnih voda koja nastaje potrošnjom većom od 3m³ po članu domaćinstva korisnika komunalne usluge, snosi korisnik.

Član 5.

(Uslovi za ostvarivanje prava)

Opšti uslovi koje mora ispuniti korisnik komunalne usluge su:

a) da podnosilac zahtjeva i članovi domaćinstva imaju prebivalište na području Grada Bihaća.

b) da se nekretnina za koju se izdaje račun za pružanje usluga vodosnabdjevanja i odvodnje i prečišćavanja otpadnih voda nalazi na području Grada Bihaća.

c) da račun za pružanje usluga vodosnabdjevanja i odvodnje i prečišćavanja otpadnih voda glasi na ime podnosioca zahtjeva ili zakupodavca s kojim je korisnik usluge ima zaključen ugovor o zakupu stambenog prostora.

Član 6.
(Postupak za ostvarivanje prava na subvenciju)

(1) Postupak za ostvarivanje prava na subvencioniranje provodi JU Centar za socijalni rad Bihać, a pokreće se na zahtjev osobe koja želi ostvariti pravo na subvencioniranje.

(2) Uz zahtjev za subvencioniranje troškova iz člana 5. ove Odluke podnosilac zahtjeva prilaže:

- a) Uvjerenje izdato od strane JU Centar za socijalni rad Bihać,
- b) Kućnu listu,
- c) Prijava prebivališta,
- d) Posljedni račun izdan od strane JP „Vodovod“ d. o. o. Bihać, za pružanje usluge i isporuke pitke vode, odvodnje i prečišćavanja otpadnih voda.

Član 7.
(Službena evidencija)

(1) JU Centar za socijalni rad je dužna sačiniti službenu evidenciju o korisnicima koji ostvaruju pravo na subvencioniranje.

(2) Evidencija sadrži :

- a) lične podatke o korisniku: ime, ime oca, prezime, datum rođenja, adresa stanovanja, bračno stanje, datum upisa u evidenciju,
- b) podatke o utvrđenom statusu korisnika subvencije,
- c) podatke o članovima porodice (ime, očevo ime, prezime, zaposlen, nezaposlen, penzioner, učenik, student, penzioner, korisnik stalne socijalne pomoći),
- d) podatke o statusu stanovanja (vlasnik stan/kuće, korisnik stana/kuće, član domaćinstva, zakupac stana/kuće)

(3) U postupku sačinjavanja službene evidencije po službenoj dužnosti se pribavlja posljednji račun izdat podnosiocu zahtjeva od strane JP“Vodovod“d. o. o. Bihać te Uvjerenje JU Centar za socijalni rad Bihać o pripadnostikategoriji lica iz člana 3. stav 3. ove Odluke.

Član 8.
(Uvjerenje)

(1) Nakon sačinjavanja službene evidencije JU Centar za socijalni rad izdaje uvjerenje o činjenicama o kojima vodi službenu evidenciju, i dostavlja ga JP „Vodovod“ d. o. o. Bihać.

(2) Sastavni dio uvjerenja je spisak korisnika subvencionirane komunalne usluge, sa slijedećim podacima:

- a) broj članova domaćinstva podnosioca zahtjeva,
- b) mjesečnu količinu vode koja se subvencionira,

Član 9. **(Obaveze javnog preduzeća)**

(1) Na osnovu uvjerenja koje dostavlja JU Centar za socijalni rad JP „Vodovod“ d.o.o. Bihać, dužno je izdati račun za svakog korisnika pojedinačno.

(2) Prilikom izrade mjesečnih računa JP „Vodovod“ d. . o. o. Bihać će razgraničiti iznos koji se subvencionira, odnosno kojeg plaća Grad Bihać i iznos koji plaća korisnik subvencije.

(3) JP „Vodovod“ d.o.o. Bihać dužno je nakon izrade računa o pruženoj usluzi isporuke pitke vode, odvodnje i prečišćavanja otpadnih voda, dostaviti isti JU Centru za socijalni rad Bihać, koji će po prijemu računa sačiniti obračun i dostaviti Službi za budžet i trezor Grada Bihaća, koja će izvršiti plaćanje subvencioniranog iznosa usluge JP „Vodovod“ d. . o. o. Bihać.

(4) Služba za budžet i trezor Grada Bihaća izvršiće plaćanje subvencioniranog iznosa usluge JP „Vodovod“ d.o.o. Bihać

Član 10. **(Neispunjenje uslova za subvencioniranje)**

(1) Ukoliko podnosilac zahtjeva ne ispunjava uslove za subvencioniranje, propisane ovom Odlukom, izdaje mu se uvjerenje da se ne nalazi na evidenciji korisnika komunalnih usluga koji ostvaruju pravo na subvencioniranje dijela troškova komunalnih usluga vodosnabdjevanja, odvodnje i prečišćavanja otpadnih voda.

(2) Ako stranka na temelju dokaza kojima raspolaže, smatra da joj uvjerenje nije izdato u skladu sa podacima iz službene evidencije, može zahtjevati izmjenu uvjerenja.

(3) JU Centar za socijalni rad, ako je zahtjev opravdan, izdaće novo uvjerenje u kojem će biti izmjenjene određene činjenice.

(4) Ako se utvrdi da se ne može izdati novo uvjerenje zahtjev stranke će se odbiti rješenjem na koje stranka ima pravo žalbe.

Član 11. **(Žalba)**

Žalba se podnosi Komisiji za žalbe Gradskog vijeća Grada Bihaća, u roku od 15 dana od dana prijema rješenja, a predaje se putem JU Centra za socijalni rad Bihać.

DIO TREĆI – PRESTANAK PRAVA NA SUBVENCIONIRANJE I SREDSTVA

Član 12. (Prestanak prava)

(1) Korisnici koji su ostvarili pravo na subvencioniranu cijenu dijela troškova komunalnih usluga vodosnabdjevanja, odvodnje i prečišćavanja otpadnih voda, a kod kojih u međuvremenu dođe do promjena koje su od uticaja na ostvarivanje ostvarenog prava (promjene prebivališta, broj članova domaćinstva, zaposlenje i druge činjenice koja dovodi do promjene statusa korisnika), obavezni su u roku od 15 dana od dana nastale promjene, obavijestiti JU Centar za socijalni rad.

(2) JP „Vodovod“ d. . o. o. Bihać, je dužnou roku od 3 dana od dana saznanja da su nastupili uslovi iz stava 1. obavijestiti JU Centar za socijalni rad Bihać.

(3) Ukoliko dođe do promjena koje bitno utiču na uslove subvencioniranja JU Centar za socijalni rad Bihać dužan je po službenoj dužnosti u roku od 3 dana obavijestiti JP „Vodovod“ d. . o. o. Bihać o nastalim promjenama.

(4) JU Centar za socijalni rad će brisati korisnika iz službene evidencije.

Član 13. (Postupak brisanja)

(1) JU Centar za socijalni rad Bihać, licu koje je brisano iz službene evidencije korisnika koji ostvaruju pravo na subvencioniranje dijela troškova komunalnih usluga izdaje Rješenje s kojim utvrđuje prestanak prava na subvencioniranje.

(2) Na navedeno rješenje stranka ima pravo žalbe.

(3) Žalba se podnosi Komisiji za žalbe Gradskog vijeća Grada Bihaća, u roku od 15 dana od dana prijema rješenja, a predaje se putem JU Centra za socijalni rad Bihać.

(4) Rješenje komisije za žalbe Gradskog vijeća Grada Bihaća je konačno.

Član 14. (Potrebna sredstva)

(1) Sredstva za realizaciju ove Odluke obezbjeđuju se u Budžetu Grada Bihaća, za tekuću godinu.

(2) Na osnovu zahtjeva i obračuna JU Centra za socijalni rad, sredstva se doznačavaju na žiro-račun JP „Vodovod“ d.o.o. Bihać.

DIO ČETVRTI – ZAVRŠNE ODREDBE

Član 15. (Stupanje na snagu)

Ova Odluka stupa na snagu osmog dana od dana objavljivanja u „Službenom glasniku Grada Bihać“, a primjenjuje se od 01.01.2018. godine

Broj: _____
Bihać, _____

Predsjedavajući gradskog vijeća
Davor Župa